



祖英集
下

永井
文庫



慶元府雪竇明覺大師祖英集下

三寶讚并序

永井
文庫

予天禧中寓迹靈隱與寶具禪者為友或游或處固以道義相揖投報相襲泠泠然自樂天常之性也一日真公謂予曰愚近偶作三寶讚三十韻宜請賡唱因披閱加歎率爾而繼之類蝕木也俄屬分飛吳楚將二十載殊不復記憶真公不以事曠誠隔遠遂附僧如行而至再窺荒斐愧慰多集且夫聖人之立言也必朕虛必冥奧使文外之士同振古風垂千萬世又焉知來者及之不及道在其中也斯之替辭曾不沾不待但

遊仰覺皇宗致禪徒告而行之得不曲為序引

佛寶

其羨流苗應刹塵覺場高發利生因紫金蓮捧子輪
足白玉毫飛萬德身孤立大方資定惠等觀含類捨
怨親揆星相好中天主匝地名聞出世人螺髮右旋
仙島碧月眉斜印海門新鸞翔鳳舞非殊品象轉龍
蟠絕比倫瓔珞聚中騰瑞色花鬢影裏奪芳春慈儀
慈望知何極梵德言辭莫可陳宵字香分無量義頂
珠常照百由旬雙林孰謂歸圓寂坐斷乾坤日見真

法寶

後得智生功德聚大悲留演潤禽魚貫花雖自科于
品標月還歸理一如過暈劫應期廣布刹那心合未
忘書四衢道內地紅焰五欲波中純白葉排斤衆魔
登壽域引獲諸子上安車義夫星象熒熒也辭海波
濶浩浩歎違背此恩難拯拔遭逢末世豈躊躇聞來
半偈須相敬惜去全身莫共居飛辯恨曾虧激問願
幽欣且免長噓生生頂奉輝心鏡廓照塵勞信有餘

僧寶

方袍圓頂義何宣續燄千燈豈小綠花兩座前猶滯
相虎馴庵畔尚稽詮巖栖塚宿難依望鶴貌雲心迥

灑然寶杖夜鳴寒嶠月
銅瓶秋漱碧潭煙
名標練若澄
誰猾迹念昏衢警
睡眠林下雅為方外客
人間堪作火中蓮
情高不是超三際
道在非同入四禪
浮世勉誰知
劫水深峯耳自聽
飛泉蕊蕪草韻僧祇後
瑁盃傳古佛先珍重
覺皇有真子坤維高步列金田
夏寄辯禪者山房

枕簟雲作屏必固黃金宅
軒窗月為畫豈止虛生百
麟龍愧頭角鷓鴣慙羽翮
馬擬羣類心在寬如在窄
和錢太博見寄覓山藥二首
文極誰持合自持
憂民風槩仁清羸禪林草藥如為

效願見皇家急詔時

聖君鴻業在扶持
日角龍章固不羸
摘藻玉堂歸未晚
百花開赴御筵時

送錢太博應賢良選

賢才當召試彪炳對吾君
千古不遺恨八元應王文
岸花明列旆天籟拂微雲
後夜觀垂象中台位已分
荅天童新和尚

中峯深且寒
欹接海邊島
松凋不死枝
花堦未萌草
飛瀑吼蛟宮
幽徑分鳥道
伊余空寂徒
浮光寄枯槁
冥遊天地間
誰兮可尋討
孤立雲霞外
誰兮可長保

茲來仁者來還稱太白老荷策扣巖高重席展懷抱
示我商頌清休誇郢歌好報投慙野辭難以論嘉藻

和頌

珍瓏巖古寺冠乎明越境海眼通洌泉天心聳危巔
嘗游興未闌遐想神忽凝彼士真覺雄相鄰不孤狃
吾愛濟橫流孰云煩慮屏吾愛整頽綱豈止浮根靜
棲梧瑞九包追風駿十影顧我不爭衡與誰閑闕茗
乘時既磊落照世非昏瞑行爲王者師三千統摩頂
贈別太臻禪者
武陵山水何祕遠元化功今不容易壇曾善卷韜龍

光洞亦桃花翻麟趾仍思昔日吾祖浩浩提綱宗消
息曠斷寰宇空又聞高大舜讓公器祥瑞却生蘆葦
叢人由境兮冥道德境有人兮分玉石臻禪本自偃
殊方忽向其中談孤跡迢迢海甸來尋我一十二年
同冷坐羽翼搏風今是時拂盡天雲乃飛過

雲門俱字

百草頭何太極重與禪徒下錐刺雲門俱字好參詳
雪峯鞦韆亦端的黛非靑兮藍一色辰錦砂兮敢言
赤紫羅帳裏有真珠曹溪路上生荆棘還會喪此時
若不究根源直向當來問彌勒

僧問四賓主因而有頌頌之

如何是賓中賓云滿面埃塵又曰噫

頌

賓中之賓少喜多頭丈夫壯志當付何人
如何是
賓中主云兆分其五又曰引

頌

賓中之主玄沙猛虎半合半開唯自相許
如何是
主中賓云月帶重輪又曰收

頌

主中之賓温故知新互換相照師子嚙呻
如何是

主中主云大千捏聚又曰揭

頌

主中之主正令齊舉長劔倚天誰敢當禦

都頌

賓主分不分顛頂絕異聞解布勞生手寄言來白雲

令僧把衲

七八既難直須教透來不在前去不在後麤細自看
緊纏相就下日圓成呈似君想得諸方未知有

送知一入京兼簡清河從事

六月千江水似秋片帆高挂岸雲收行行莫謂朝

關況倚文星在巨舟

送德珉山主

溪山春色映雲袍，愛住隍城意轉高。
翻笑忘機自安者，不能垂手入塵勞。

送僧二首

紅芍藥邊方舞蝶，碧梧桐裏正啼鶯。
離亭不折依依柳，況有春山送又迎。
祖域高親日未央，家林歸去意何長。
舊交不識初相見，曾振滄溟奪夜光。

送崇已闍黎歸天台

石橋雲瀑冷相侵，薜徑蘿龕入更深。
却羨撻笪遠歸去，半千尊者是知音。

送遂悟上人之會稽

百越江山冠九州，如屏還魏謨相憂。
惠休此去多吟賞，贏得清風價轉高。

送僧四首

乘興飛帆別翠峯，水光春靜冷涵空。
到人若問曹溪意，祇報盧能在下風。
禪石飛流澗碧蒨，利生還喜下雲坡。
途中若立三千客，剔起眉毛不在多。

梅檀林裏振金毛，四顧清風拂幾遭。曾許全威作雲雨，不知何處是塵勞。雲衣輕拂下層巒，松檜生風觸袖寒。誰問親游乳峯意，百千年後與人看。

寄負外黃君

碧岫層層列，蒼冥漣漪環。堪堪寒青翰，藏未識古君。子空，你嘉聲過洞庭。

送僧

五色祥麟白月輪，乘時應不念離群。松根石上未歸日，誰看暮山飛斷雲。

寄劉秀才

遠遠飛來一幅書，愈風誠重復何如。相逢相見未期日，目斷千山掩太虛。

送僧

古之別今之別，目對春江倚寥泬。三樹兩樹啼斷猿，千峯萬峯落殘雪花濛濛。雨濛濛，坤維步步生清風。

聞百舌鳥送僧

曾來芳樹幾回飛，煙靄初晴又見伊。巧語向人莫相笑，知音知後更誰知。

送中座主入廣

船主船中寄惠持雲霞無跡共依依海山見說嘉
賞莫便因循忘却歸

送隴西秀才入京

國器難藏孰可知携來書劔莫遲遲明年挂籍登文
陣奪取龍頭更是誰

送僧

雪殘春島路迢迢水靜雲開見碧霄別後誰同此深
意祇應孤月共寥寥

因仰山氣毬頌

四大假合非虛妄儻儻侗侗爲一相東西南北不相

知留與衲僧作榜樣

赴翠峯請別靈隱禪師

臨行情緒懶開言提唱宗乘亦是閑珍重導師并海
衆不勝依戀向靈山

送僧歸閩

雪老當年曾入嶺眞禪今日又思鄉孤帆隱隱曾唯
我月照夜濤空渺茫

送僧

春風颺颺花正飛紅霞碧靄龍高低越山日暮少林
客應聽子規深夜啼

寄陳悅秀才

水中得火旨何深，
擿草由來不是金。
莫道莊生解齋物，
幾人窮極到無心。

寄錢唐觀音朋山主

遠念依依闕附書，
還同秋水淡相於。
沖雲況是曾無定，
幾掩寒蟾出太虛。

送僧

極目春光水照空，
岸莎汀草碧茸茸。
三千里外生靈望，
獨倚寒藤振祖風。

春日示衆二首

門外春將半，
閉花處處開。
山童不用折，
幽鳥自嚙來。
門外春將半，
閉花處處開。
山童曾折後，
幽鳥不嚙來。

寄烏龍長老

雪帶煙雲冷，
不開相思無復上。
高臺江山況是數千
里，只聽嘉聲動地來。

寄太平端和尚

千朶危峯杳靄間，
石房長帶瀑聲寒。
鳥啼花發尋常事，
松本青青雪裏看。

送僧

千峯雨雪時別我，
情何極不知天地間。
更有誰相識

因官人請陞座

曉夫雲靜本涵霜滿檻風清敲夜光莫謂座間人不識孤明孤影射虛堂

因金鵝和尚語藥病

藥病相治見最難百重關鑲太無端金鵝道者來相訪學海波瀾一夜乾

賦冲雲鷓送僧

側翼雄飛天勢闊電閃星流太輕脫南北東西相對看千里萬里阿喇喇

風幡競辨二首

不是幡兮不是風衲僧於此作流通渡河用筏尋常事南山燒爇北山紅

不是風幡何處著新開作者曾拈却如今懵懂癡禪和謾道玄玄為獨脚

漁父

春光冉冉岸煙輕水面無風釣艇橫千尺絲輪在寸不知何處得鯢鯨

牧童

嘔啊唱與那嗚咿百草拈來關不知日晚騎牛未歸去指前坡笑又噓噓

送僧

崑房高下折寒梅，極目寥寥鴈影回。
相別相逢竟何事，一聲江上發春雷。

寄天童凝和尚

經旬抱疾阻春霖，莎砌重重薜暈侵。
曾約借游未能得，暮山空鎖碧雲深。

送僧入城

雲籠碧嶂月籠臺，此去城中早晚迴。
不為佛光謁韓愈，問君何事出山來。

病中寄諸化主

雪裏梅花見早春，東西南北路行人。
不知何處圓蟾夜，同念山頭老病身。

和于秘丞見石之什二首

民瘼求來吏放閑，萬家深夜啓重關。
齊中既是清涼國，應笑支公別買山。

垂垂其自養，衰殘度歲無人到。
竹關何幸文星在，嘉什殷勤相喚出層山。

和王殿直見寄二首

華野非殊古所難，得安閑處未為安。
太方無外誰相到，空笑重雲鎖碧巒。

清風凜凜字人官，堪對彌天釋道安。不日歸朝無鷺
鷺也，須請問寄層巒。

送僧

澄江依棹碧光流，風冷蒹葭雨乍收。別夜新吟許誰
約，白蘋汀上月陵秋。

送僧歸永嘉

韶石曾披此性靈，二年孤與急流爭。永嘉舊隱今歸
去，堪聽海濤中夜聲。

兔角拄杖

少室傳來兔角杖，千聖護持為頂相。虎踞龍蟠勢未

休雲影山形冷，相向有時閑倚在。虛堂寥寥匝地凝，
秋霜有時大作師子吼。德嶠臨際何茫茫，今日提來
還不體分明。普示諸知識，解拈天下任橫行。高振風
規有何極。

送從吉禪者

君不見見行路難，亦容易。握草為金，不為貴。難曾平地
湧波瀾，易復到處列祥瑞。堪笑堪悲能幾幾，天上人
間立高軌。兄弟十字越參星，一義同心淡秋水。因憶
韶陽古風骨，石火電光遲。出沒隔身之句，是程途扣
門之問。非窠窟殷勤報君，君記取。方外周游看瓜瓞。

虎狼叢不遍知音別起眉毛便歸去

寄承夫長老

道義相資復是誰巖房深夜思遲遲海山雲靜見孤
月高照發城人不知

送僧

古路枝分列洲渚綱兮領兮若為舉病眼方開忽送
入落花驚斷山禽語親禪客親禪客行復行獨步坤
維消此情

送因大師

瘦藤清對紫方袍閑步坤維意轉高若到真江人借

問金輪王子是吾曹

送實師弟

天倫曾重意難分爭奈孤蹤若斷雲去去休同亮禪
者西山一入杳無聞

送新茶二首

元化功深陸羽知雨前微露見鎗旗收來獻佛餘堪
借不寄詩家復寄誰

乘春雀舌占高名龍麝相資笑解醒莫訝山家少為
送鄭都官謂草中英

賦月生雲際送誠監寺

皎潔離雲鶴夢時孤光還與雪相宜金盆後夜重垂影拂盡天風不自知

送僧之金華兼簡周屯田

瘦藤輕屨薛衣并路過危峯截杳冥若到金華拂雲霧不應容易見文星

送僧之永嘉

故國不是阻天涯花木光中見獨歸蜃水鄞江人莫問月分春浪冷依依

寄送凝長老

德不孤兮必有鄰四明留住是因循如今高步錢塘

境只許靈山箇老人

放白鷗

朱冠青織雪為毛不近鸞凰意亦高放你雲林莫廻首如今何處是仙曹

喜禪人廻山

別我遊方意未論餅盂還喜到雲根舊巖房有安禪石再折松枝拂薛痕

送僧

七尺巖藤握便行舊山歸去幾多程相逢忽問迢迢意應發春雷動地聲

送僧歸天童

峩峩太白峯倚翠列霄岸羨君乘興歸凭欄與誰看
和曾推官示嘉遁之什

少微星出古風還匝地聲光不掩關三館峻遷同陌
路九華高臥是蓬山巖芝步入祥麟穩海樹飛來白
鳳閑祗恐致君休未得蒲輪重到薜蘿間

經古堰偶作

出城四十里古堰若天外飛棹清淺中孤影自相對
謝張太保見訪

老病還同葉半凋經旬門掩夜蕭蕭海城都謗曾垂

訪一片清風慰寂寥

送宗朴禪者

洞庭乳竇昔泉石抱疾何緣寄幽跡曾列狂機一二
三東山西嶺非相識屈指頻眉不可尋雲飛雨散空
沉沉如今轉覺流年隔強把冥冥苦搜索縱止言欺
白雪辭寧忘矣與黃梅客朴禪者朴禪者珠月有光
慙照夜

送尚辭

浮圖之子履道為貴天分地兮何泰何否動無飾非
靜還離為辭也云行後生可畏

歌寄留英禪德

當時臨際辭黃蘗或指河南或河北英禪此日下中
峯杌案曾焚笑仍則九包一角慙稱瑞導月觀星亦
非意爭似韶陽振古風半途未肯還希冀歸去來歸
去來飛泉浩浩聲如雷

送小師元貴

愧爾求師為吾弟子學雖無聞道亦可擬平飛辯月
照復流水斯意斯言今如不忘行行颺颺兮步蘭芷
善應殊宗吾不知也思之

送文信歸廬岳

春色未深興無遲早餅謝九江峯尋五老到日攀蘿
獨上時依依莫忘海山腦

送侃禪者之丹丘

石橋多古跡路嶮少人過如同白日閑冷拂青苔坐
寒老若相逢為吾略嘲破

送寶山主

野水春山風光極目千里萬里太遲太速絕域澄澄
兮非犀炬可照希聲杳杳兮非鳳膠可續葉落花開
知不知人天景行為高躅

示衆

沙角女子白頭絲報你諸方作者知借問住山何境
界春風颼颼春鳥喧喧翠峯不能助發心印却是他傳
和范監簿
吏散簾垂思莫窮山光溪影恣相容誰誇靖節偏裁
稱自笑隱居高聽松丹闕尚遊芝檢密訟庭閑列蘇
花重巖間野客雖多病終再携筇謁士龍

品彙不自適善政還可尋懸樓清夜上島月思雲侵
誰有古菱花照此真宰心

因香嚴和尚

我有一機禪子須知爍迦羅眼揔是膠繻若人借問
伏惟伏惟

送雄直歲

罷參還欲勸諸方竿木隨身不易當是則俱行非則禽下翻憶
古來興化老主賓用盡力牽羊

為道日損

三分光陰二早過靈臺一點不措磨貪生逐日區區
去喚不迴頭爭奈何

疏古

我有面鏡到處懸挂凡聖不來誰上誰下

訪俞秀才

萬壘雲山未得歸，寂寥心許老盧知。
江城雨雪書名紙，不謁鴻儒更謁誰。

再酬

萬卷無書道用歸，閑文公也未須知。
倚天長劍如重戰，更有龍頭復是誰。

留遲首座

從龍為雨復清閑，片段依依水石間。
慙問秋風欲吹散，不能留得覆青山。
不慙問者為我留之

送俞居士歸蜀

何處深棲役夢頻，青城拋却數溪雲。
如今老大歸難得，祇寫情懷送君。

和王殿丞蓂粟種之什

纖纖圓實占芳春，得自侯門勝楚珍。
開葉開花人不會，百千年是等閑身。

和江橋晚望

公餘縱目望江山，萬化窮來罔象間。
聞說聖君將下詔，未容清澹與僧閑。

病起示衆

門揜還同歲月摧，石牕經雨積莓苔。
一牀枕簟淨名

老時見斷雲孤月來

送麻居士

紗帽山儀白苧袍，遠披孤頂近吾曹。携來七尺霜前竹，劃斷天雲不放高。

酬李校書

一回辭我，一回吟。瞻戀巖叢意轉深。翻謝霜松不凋落，與君同有歲寒心。

苦熱中懷寄永固山主

火雲高下影相連，幾欲披尋恨不前。無限清風無處問，只應遲步遶林泉。

送元安禪者

群峯杳藹留不住，遠道依依祇藤屨。舊隱羅龕付與誰，寒猿後夜啼高樹。

賦病鶴送奉倫禪者

欲飛飛未得，冷泊杉松枝。如何垂天雲，遠遠同一涯。

偶作

列岫霽新雨，凭欄祇澹交。夕陽明遠水，秋葉露空巢。思極曾無玷，神清未動交。祇應千古意，誰得共雲坳。

謝鮑學士惠臘茶

叢卉乘春獨讓靈，建溪從此振嘉聲。使君分賜深深

意曾敵禪曹萬慮清

因遊育王亭寄拔主郎給事

冷翠千萬峯當軒列如黛蒲團及禪板永日澹相對
彤雲曾無幾燒松亦成蓋遠謝幽隱情難與台星會

送遇能禪者

湖遶巖城列象寬萬家臺榭水光寒片帆隱隱生遙
極誰問曹溪意轉難

送覺海大師

秋雲巖葉兩悠悠半逐風馳半水流憑問禪家有何
意不知方外若為酬

送曾侍禁

冷匣秋波射斗星鐵衣隨從古霜清宜池莫問當年
事一片威風動地生

病起酬如禪德

大明一寸光腐草一何假人命呼吸間誠哉是言也
呼之曾已休吸之尚未否寄問諸苦源來者不來者

送雲禪德

古之送人言作懷寶我慙老病困之辭藻能嶺迢迢
今曾立夜雪謝池依依兮笑坐春草頭角麟龍安可
論清風步步應相討

送又禪德歸蘭亭

右軍墨池月照我復照誰千里忽相到中峯多病師
送義大師

巖房抱病經一月門有諸生阻來謁長往之期猶未
能七十之年更何說若耶溪老忽留語溪上舊遊且
歸去春風颺颺兮兼斷雲弱柳依依兮帶輕絮古今
離恨雖如此動靜於吾亦多意高握霜笏獨步時音
書莫忘遠飛寄

酬海宗二侍者二首

蕊之得蘭其道匪難扶吾病起如珠在盤一兮二兮

自看誰省

蘭之得蕊其道必存扶吾病起古風入門一兮一兮
且論勿論

謝郎給事送建茗

陸羽仙經不易誇詩家珍重寄禪家松根石上春光
裏瀑水烹來鬪百花

送山茶上知府郎給事

穀雨前收獻至公不棄春力避芳叢煙閣曾入深深
塢百萬陰旗在下風

送郎侍郎致政歸錢塘

帆挂西風別海城，一疎千古道相應。誰誇富貴法時
譽，自笑經綸作技能。殘葉賦題紅片片，遠山供望碧
層層。武林到日符嘉遁，高訪巖扃祇許僧。

山行逢勲禪德

乳巖秋日無他作，策杖層層止寥廓。四顧有誰分野
情，一點彤雲起深壑。蘚石遲遲略輕蹻，逢箇衲僧忽
驟步。頻喚回頭不肯回，及至回兮眉卓豎。阿喇喇千
里萬里橫該抹。

送小師元哲

老盧之子四三二，一將欲振飛騰比叢室。松凌霜兮

運旨水帶巖兮流急，南北東西雲開見日。

求豐莊新植徑松，忽二本鄰，偃抒辭紀之

雙溼松何似，螺文結數遭清聲。雖競發寒影，不相高
對客圓分蓋。孤禪翠滴袍，若教圖畫得爭次。有蕭騷

送白雲宜長老

鄞江秋晚忽成春，況有台星作主人。去去高携古刀
尺，二千年運續芳塵。

送親禪者

萬木帶秋聲，古今念睽別。我有贈行意，臨行為君說。
重巖休滯雲，遠水且觀月。生生知不知，天風助清徹。

送顯沖禪者

聚散非常準古今亦標格如何無事人還似未歸客
秋風生群林野水資寒色誰兮謝寸陰觀彼青山白
沖禪行復行五葉待時拈

送天童普和尚

迢迢別海涯帆挂抄秋時島樹落寒葉人誰訪祖師
浪開遊象急天閑過鴻遲早晚歸林下子徒不共知

張秀才下第

得第何人愧不平道存顏巷亦為榮應知未喪斯文
也且把新詩樂性情

寄父監收

田中稻熟及時收顆粒圓成免外求一日歸來古巖
上白雲紅樹共悠悠

暮冬夜坐寄岫禪者

碧落無片雲虛庭積深雪負春還有誰微曙對孤月
巖松影拂翠不斷瀑水聲來聽忽絕岫禪岫禪知也
如未知八面清風遠遠待時說

寄崇壽懷長老歌

家住峯分觸星斗寂住師兮古為道死中得活未輕
訕不許夜行投曉到藹藹聲光一百年吾其後兮吾

其先振領提綱笑多事掩扉塞路空依然龍朔老盧
同兀兀土為貌兮金作骨萬國爭求肯便行我要重
新敲鐵佛東西南北休云識枯槁冥冥頗相憶天外
清風結陣來狂歌遠守從拋擲

送廷利禪者

雪峯孤頂誰家路上兮下兮復何故曾列三千一半
徒我今獨滿當時數鯨鱗鱗龍鱗鱗坤維高步生清
塵休云裴相慕黃蘗額有圓珠七尺身利禪者利禪
者倚天長劍應半把或謂風雲不再來誰為蒼蒼分
晝夜

送保禪者

涪江怒激鯨鼈宅岌岌三山大傾側真數俄然一箇
來步武群方作禪客振聲謂我分綱宗今兮古兮何
忿忿令吾強為扶辭句句字字真凜生在風拂散
四七單傳之落葉掃蕩二三直指之流蓬似帶微芒
敢未勤絕寒木在握兮全機可笑秋水橫披兮半提
可滅使八極頂目者不自爭衡見斯人兮駕御景坊

送新禪者

落落禪家流携筇卷雲霧別我振辭鋒夜堂消祖偈
鼻禪霜天飛一鷲目對彈其濶春岸立千峯指掌排

其勢行行復行行清飈起蘭蕙

觀泉送演禪者

雲根漱野泉照空復照月冷聲曾未消飛瀾似相別
巖近生風雷天遙新冰雪演禪乘與知不知源流依
依共澄紫

荅思禪者

下字七字二五字萬象窮來不為據夜深月白下滄
溟搜得驪珠有多許

和陸軫學士夏日見寄

良牧歸詩匠雅風消鬱蒸官清難滯爵吏散遠同僧

棠樹非煙合仙槎碧浪乘因思窮萬化使君早製圖明鑑圖冠之
賦引或聞或千古更無能人廣達

送化主

春色依依籠遠樹卷衲播藤躡輕屨塞世茫茫無限
人不知誰問曹溪路

送通判劉國博黃中

為星當貳職權化不相饒白屋如多恨清風何處消
岸鷗窺列旆天辟看陞朝別有生靈意寒枝未變條

送別陳秘丞古意

悠悠層山雲斷今仍復續離離雙岸草變今日且兼綠

如何苦雪霜後凋蠹松竹有節操雪霜無伎倆
敢折歲寒枝贈君作嘉賞行行天地間清風在誰掌
送通判學士歸南國楊

旆擁帆開照德星天風高興國風清武夷仙仗知回
也各下祥雲到地迎千里之外應之非此則殊待者也

和酬郎簽判殿丞

向國心存了了身大方無外且同塵江城早晚重相
見解笑宗雷十八人

歌送范陽盧君兼簡華嚴昱大師

范陽居士來鄞水動地仙飈向人起乳峯直上雲霞

開步驟天衢到如此茫茫塵世誰知交當場問我非
相饒禪家畢竟無他事古雪巖前曾未消俄然悵望
辭叢室荷負難今淚深溢遠幸流方且莫論再得從
容又何日迢迢故國殊存想冷碧柯山分指掌況有
覺雄華藏師歸去百城共游賞

送廣教專使

峩峩石頭使乎讓祖已之匪存聖之奚慕或妄以山
或索云斧音耗不通今清源派分吾斯語今誰可論古

送微文章

雙蓮亭上送行客齒齒清香散秋色野興斷山雲片

高孤影澄江月華白希聲險絕堪誰知大道機存曾
未可縱闢天常立下風安教類變叢流火君不見梁
今闔國難滯留千古遺恨空悠悠君又不見魏兮小
桂生寒翠一花對雪開無休微禪亦並騷芳駕德星
文星仰蕭洒物外情深不等閑環中趣別非輕捨相
訪從容爲我言屈指多求更何者

送懷秀禪者

麻衣草座思靈徹下食安閑更無別條忽遷流數古
年杳杳誰來繼其絕吾兮亦是踈慵輩冷淡身心存
慷慨偶續靈峯照夜燈遽泛鐵船下滄海深嗟知困

不知休奔馳駭浪空淹留縱得長齧擬何待堪白頭
時好白頭因觀壞衲秀禪客清苦如冰復如藥別我
携筇步大方爲葉爲花恣披拆伏枕寥寥情意闌率
寫狂歌贈行色

孤運銘

雲根石壙容身待老南來北來閑且尋討五葉一花
今堪對誰寥寥萬古今空知有

寄海會之長老

百花开後一花开風速清香遠遠來誰問黃梅不平
事照中依舊惹塵埃

雜言送賢專使

使乎誰老作者百戰場中飛鐵馬秋水藏來人不知
笑李將軍被檣下阿阿却歸湖山唱凱歌

歌紀四明汪君信士

古君子兮道諸已道器用兮合天理同塵還若待時
生觀象不知何處起荆叢叢襲我叢叢考今際今非
泚中聚應落落滴仙露散或冷冷揚士風風之上兮
風之下迹一指兮遠一馬秋水澹交無限情夜光照
乘胡為者伊予匪謂存餘力詠高義兮困宵臆巴歌
百字巖葉書飛寄汪門舊知識

送仲鄉禪德

高兮生一鄉秋水虛明夫何之象堪云指程知吾不知
笑且理出情調爾你耶城

真州資福禪院新鑄鐘銘并序

國朝紫微舍人趙公丙戌年出鎮姑蘇裁情示空巖
之客所恨不能効善財展轉南方以求先覺如別幅
叙雲岳長老令僧惠敏造鐘既成初重樓以簾之欲
為銘記且言當使學者有所警悟槩也縱能道其歸
禪人惡肯信惟師為善知識行重名當代願為此銘
因機垂化不亦美乎然重顯固陋荷

大君子外獎敢不從命輒復引寄

夫形聲未先曠默奚准器用之後幽靈絕常故聖人以鐘為大惟聖人則之襲兮忘兮求以深矣其能具諸種智對飛雄辨但未兼極有生權化之來未易窮也感通傳稱昔枸留孫於乾竺造青石鐘如青玉色可容十斛頂類諾天腹陷象寶八角四面花光互分有化如來與日偕出明宣秘演或聞不聞王舍城中大千界內匪同錚錚者乎今岳禪老於淮甸造青銅鐘如青珠色過百鈞之用上旋旁植繞獸樽熊其或層城晝閑祇園夜永寥寥霜月射寒影以爭輝殿殿

地雷發虛音而交振師之唱險資之繼難寅夕鏗鏗主伴索索足使一鱗半甲無違真化之方二聽五觀有寄神游之域善存殊應扣惟良哉謹為銘曰

淮之要衝真之會府中列梵摩居我禪祖參徒駢羅慧敏于櫓爰構鯨音息彼輪苦峻橫崇臺金飛碧回斯門屢掩向人或開希兮微兮乍延乍催先聞未及後時不來增悲遐宣無因天理帶識萬端警悟齊起遵晦陟明其毋得子塵塵訪誰刹刹問已太緣斯成大功不宰君奉禹湯臣仰元凱碑勒紺園銘寡文彩庶期妙峯永聳滄海

慶元府雪竇明覺大師祖英集下終匹明洪舉州

慶安三庚寅歲孟春中旬吉良

寺町通圓福寺前町
煉田屋平左衛門

永井文庫